

莆陽水利志 卷六

章奏

地713.1  
176.1  
:6  
7  
8  
5



莆田水利志

章奏

脩復莆田縣水利原奏

奏

為脩復莆田縣水利情形恭摺具

奏

仰祈

聖鑒

事切照福建興化府屬之莆田縣額征地丁銀數甲於通省其東南數十里地名南洋平田約二十餘萬畝全賴木蘭陂溪流灌溉溪水發源永春德化仙游三州縣匯三百六十澗之水以趨於海其初溪水為鹹水所蕩不能資以溉田宋治平元年長樂錢氏室女四娘罄其家資於溪之上流將軍巖前築陂甫成旋被海潮冲毀長樂進士林從世繼之工亦未就至熙寧八年候官人李宏俗呼為李長者應詔於木蘭山下立陂疊石布柱犬牙鈎鎖為三十二牖上受諸溪下截海潮名為木蘭陂陂右疏渠以導清水演為大溝七小溝一百有九溉南洋田三十餘里於洋城林墩陳山三處築隄設陡門澇啓旱閉以時宣洩其東角遮浪兩處築石隄一千一百丈以禦海潮元總管郭朶兒張仲儀復於陂西開萬金陡門分其流為大溝三小溝五十有九以溉北洋田畝由是水利大備旱潦無虞南北洋皆成沃壤自明代及



國

朝初年各隄雖屢經脩理而溝渠並未開濬閱時既久南北兩岸傾塌蟄陷嘉慶二年莆邑大水溪流暴漲陂之上流膠沙淤積右渠之口壅塞水勢疾趨於北南洋之水漸涸又因壺公山澗水挾沙石而下荷包瀨總渠為其所遏大小各溝皆不通流加以陡門石隄日久損壞難障海潮以致倒灌頻歲歉收嘉慶二十二二十四五年及道光二年適遇亢旱尤多爭水釀事之案臣孫臣於道光三年蒞任後查悉情形念若不及今脩濬為日愈久則致力愈難為害亦愈甚其有關於民生者甚大隨飭府縣設法興脩因工鉅費繁一時未能集事繼訪有莆田進士陳池養曾

任直隸武邑縣知縣熟諳工程先在該處督脩太平南安兩陂著有成效為衆所信服即令其到省面與熟商約需十餘萬兩計築壩堵水造隄建牘購料催匠估需實銀六萬餘兩其運石挖沙開渠濬溝所用人工夫即就該處田疇享其水利者按田派夫皆所樂從計可省夫價四萬餘兩臣孫臣遂率藩司惠顯前臬司張青選興泉永道倪琇興化府知府徐鑑署興糧通判袁鴻莆田縣知縣王廷葵捐廉倡始隨據童生鄭道立等先後捐輸番銀四萬餘元即延陳池養率同該處士民督工監脩擇於道光六年四月二十二日開工臣韓臣到任又復捐廉出示剴切曉諭衆

情益樂於趨赴臣孫 此次自臺灣回省紆道履勘丁夫數千人工作甚勤傳語徧為獎勵擇其出力加以賞勸察其情形極為歡欣奮勉茲據該府等稟報木蘭陂南北岸石工拆脩添築已於十二月初十日工竣荷色瀨即於十二月十三日開工其大小各溝皆陸續連工開掘惟東角遮浪二處從前石隄僅高九尺底濶五尺面濶三尺石料損失十不存四現在添石脩築加高二尺以期穩固工程浩大報竣需時所捐之數尚有不敷稟請

奏

明將各紳士捐數最多者俟工竣之日照例分別獎勵以期踴躍等情經藩司吳榮光詳請具

奏

前來臣等覆查木蘭陂灌溉民田至二十餘萬畝利益甚大工程需費浩繁該處紳民樂輸以成善舉既據該府等懇請

奏

明照例分別獎勵自應據情具

奏

俟工竣後核其捐數最多尤為出力者分別

奏

請獎勵俾捐輸督辦諸人益臻鼓舞臣等謹恭摺具

奏

伏乞

皇上

聖鑒訓示再此案工程係由外捐辦其捐項出納悉由紳士經理概不假手吏胥該紳士等不諳工程則例將來報竣之日應請免其報銷以歸簡易合併陳明謹

奏 道光七年二月初二日奉

上諭 孫爾準等奏脩復水利情形一摺福建莆田縣木蘭陂建  
自前代上滙諸溪下截海潮灌溉南北洋平田二十餘萬畝  
近年屢經暴漲泥沙淤積陡門石隄日久損壞以致頻歲歉  
收該督等率同該處士民捐輸督脩所辦甚屬有益殊堪  
嘉獎現在木蘭陂南北岸石工脩築報竣統俟各工全行歲  
事該督等即覈其捐數最多尤為出力者分別奏明再降諭  
旨 此項工程係由該處紳民捐辦著無庸造冊報銷該部知  
道 欽此

脩復水利增築石隄工竣覆奏

奏 為脩復莆田縣木蘭陂水利增築東角遮浪石隄全行工  
竣恭摺覆

奏 並遵

旨將 捐輸最多紳士及督辦出力人員仰懇

聖恩 分別獎勵事切照福建興化府屬莆田縣之南北洋田畝

全賴木蘭陂溪流灌溉歲久陂壞溝渠淤塞經臣等倡始

督率寮屬紳民捐輸脩復先於道光六年十二月具

奏 奉到

諭旨 木蘭陂水利該督等率同該處士民捐輸督脩所辦甚屬

有益殊堪嘉獎統俟各工全行歲事該督等即覈其捐數最

多民

尤為出力者分別奏明再降諭旨此項工程係由該處紳捐辦著毋庸造冊報銷該部知道等因欽此轉行欽遵在案臣等查莆田一邑為永春德化仙游三州縣之水所匯而城南即瀕於海昔人於木蘭山下建陂截其流分為二派一流北洋一流南洋用以分灌田疇北洋去海稍遠所受皆溪流水淡而地平其為陂也層累相承橫截溪流量田之所受即分高下以輸之南洋兼受溪海之水鹹與淡混必中分而截之使鹹淡不得相汨其為陂也堰高於岸以捍海潮陂右疏渠以導溪水凡為三十二閘大小一百七十八溝以醜其流復設陡門七處以時啓閉於土名東角遮浪兩處築石隄一千一百餘丈開涵洞合兩洋互水以歸於海蓋木蘭陂為水之源東角遮浪為水之委自西南至東北水勢建瓴而下計三十餘里潑洄溥徧處處以石工為鈐轄旱則瀦之潦則泄之高低緩急皆有定則操縱在人使水旱皆不足為患其制甚精其利甚溥而其工亦甚鉅此木蘭陂蓄溪障海灌溉南北洋田畝之大概也莆田賦額甲於通省自陂工傾圯溪流為海水所汨不能用以灌田膏腴廢為斥鹵產米不足供闔境之需轉致仰資他邑欲脩復者歷有年所苦於工鉅費繁且無熟悉工程為衆所信服能任其事之人道光五年訪有該縣進士

原任直隸武邑縣知縣陳池養曾脩太平南安兩陂著有  
成效令其到省面商估工計費為數不貲陳池養殷然以  
全工自任臣等率同前藩司惠顯前臬司張青選興泉永  
道倪琇等捐廉倡始隨令興化府知府徐鑑署興糧通判  
候官縣知縣袁鴻莆田縣知縣王廷葵勸諭該邑紳士商  
民題捐輿情踴躍樂輸遂於道光六年四月二十二日開  
工脩復木蘭陂兩岸石工至十二月初十日工竣即於十  
二月十三日脩濬溝閘陡門石隄涵洞各工仍照舊制工  
料加倍堅固又查有署福防同知壽寧縣知縣陸我嵩識  
曉工程曾署莆田縣事民情愛戴委令督同試用從九品  
顏叙功將樂縣典史周湛然前往監工七年七月間風雨  
狂驟海潮歎湧東角遮浪舊隄殘缺日甚竟有基地全無  
之處難禦波濤勢甚危險該府廳縣及委員等召集人夫  
及近地民鄉冒險搶築得保平穩是該處石隄不僅為灌田  
溪水之隄防且為海濱諸村之保障關係尤鉅亟應脩築  
而採石頗遠溪港間隔僱募船隻分投載運在在需人復  
添委莆田場鹽大使金承華署興化府經歷秦師韓監採  
石料尅期運送按照工程做法排釘木樁以植隄址磨石  
累砌以固隄身合用灰漿以實隄腹尺寸加高於舊其內  
復鑲護土隄一道並用碎石遮護隄根俾資鞏固於八年

奏

四月初八日一律工竣飭委候補道胡祖福前往勘驗收  
工委係堅固合法並無草率偷減出具切結由前任藩司  
吳榮光具詳請將在工出力人員及捐輸較多各紳士等  
請獎勵前來臣等查例載脩城築陂士民捐資十兩至五  
十兩以上者分別賞給花紅匾額遞加獎勵三四百兩者  
奏請給以八品頂戴如本有頂戴人員於奏請時聲明聽  
部另行議叙一二千兩及三四千兩者題請從優議叙各  
等語此次莆田縣木蘭陂工程據該府廳縣詳稱共用制  
錢一十四萬一千五百千文有奇自應按其捐數最多者  
同在工出力各員

奏

請分別獎勵議叙以昭激勸查興化府知府徐鑑督飭廳  
縣委員等稽察全工自始至終不使稽延草率應請交部  
議叙署福州府海防同知事壽寧縣知縣陸我高政聲素  
為卓越委辦要工調度稽查竭力盡心不避嫌怨會同勸  
捐極為妥辦署興化府糧捕通判事候官縣知縣素鴻先  
經卓薦繼因海疆俸滿加通判銜留任候陞此次督察工  
程彈壓人役催收捐費始終不懈極形奮勉莆田縣知縣  
王廷葵在閩年久素稱能事此次派夫開溝親赴各鄉勸  
諭有方捐輸踴躍始終兩年不辭勞瘁以上三員急公任  
事倍著勤勞仰懇



皇上

逾格鴻恩以同知直隸州儘先補用試用從九品顏叙功將樂縣典史周湛然約束工匠梭織稽查奔走於風雨寒暑之中實力督催歷久不懈顏叙功應請免補本班同周湛然俱以府經歷候補縣丞補用莆田場鹽大使金承華署興化府經歷候補縣丞秦師韓催募船隻督工運石往來稽查頗著辛勤應請交部議叙原任直隸武邑縣知縣陳池養因武邑任內縣民劉五被劉連學謀命案內相驗漏報傷痕並將罪應擬杖之劉士一失入滿徒部議降三級調用係屬公罪此次承辦全段工程晝夜辛勤不遺餘力要工速歲水利溥周頗著微勞應請送部引

見其

捐數最多之衿士鄭必達呂廷鑑翁夢雲劉文光捐輸錢文折銀均在三千兩以上相應仰懇

聖恩

飭部從優議叙又紳民林瑞麟等捐輸錢文折銀均在三四百兩以上請

旨飭

部分別議叙又監生鄭道立捐錢六千千文捐數最多首先提倡尤為奮勉可否

賞給

副榜貢生用示鼓勵之處出自

恩施

除捐數及捐戶履歷由司另行造冊詳請咨部尚有紳民人等捐輸錢文折銀在三百兩以下者飭令該道府督飭地方官照例分別賞給花紅匾額遞加獎勵外所有脩復

奏

木蘭陂水利完竣併請分別獎勵緣由臣等謹恭摺具  
又木蘭陂水利所及田畝前奏約計二十餘萬畝現在陂  
渠脩濬之後飭令候補道胡祖福督同該府廳縣詳加履  
勘得資灌溉者計南洋二十二萬五千八百四十六畝北  
洋田八萬九千九百五畝共計田三十一萬五千七百五  
十一畝合併聲明伏乞

皇上

聖鑒訓示謹

道光八年七月二十七日奉

奏

上諭

辦

孫爾準等奏脩復木蘭陂各工完竣請將捐輸紳士及督  
出力人員分別獎勵一摺福建莆田縣木蘭陂水利年久

淤 核 石 獎 同 素 用 補 經 調

塞前經該督等奏明督率紳民捐輸脩治諭令於工竣時  
其捐數最多及尤為出力者分別保奏茲據奏連年增築  
隄脩濬溝閘各工一律完固自應將該處紳士官員量加  
勵著照所請興化府知府徐鑑著交部議叙署福州海防  
知壽寧縣知縣陸我嵩署興化府興糧通判候官縣知縣  
鴻莆田縣知縣王廷葵俱着以同知直隸州儘先補用試  
從九品顏叙功將樂縣典史周湛然俱着以府經歷縣丞  
用顏叙功着免補本班莆田場鹽大使金承華署興化府  
歷候補縣丞秦師韓俱着交部議叙原任直隸武邑縣降  
知縣陳池養着送部引見其捐數最多之紳士鄭必達呂

廷 着 副

鑑翁夢雲劉文光俱着交部從優議叙紳民林瑞麟等均  
交部分別議叙監生鄭道立捐數最多尤為奮勉着賞給  
榜貢生餘着照所議辦理該部知道欽此

福建布政使司程 為知照事道光八年十二月十九日

奉 巡撫部院韓 憲案道光八年十二月十二日准

吏部咨文選司案呈吏科抄出本部會題前事一案議得  
道光八年七月二十九日內閣抄出二十七日奉

上諭

孫爾準等奏脩復木蘭陂各工完竣請將捐輸紳士及督  
出力人員分別獎勵一摺福建莆田縣木蘭陂水利年久  
淤 塞前經該督等奏明督率士民捐輸脩治諭令於工竣時

辦

核

其捐數最多及尤為出力者分別保奏據奏連年增築石  
脩濬溝閘各工一律完固自應將該處紳士官員量加獎

勵

着照所請興化府知府徐鑑着交部議叙署福州府海防  
知壽寧縣知縣陸我嵩署興化府興糧通判候官縣知縣

素

鴻莆田縣知縣王廷葵俱着以同知直隸州儘先補用試  
從九品顏叙功將樂縣典史周湛然俱着以府經歷縣丞

用

用顏叙功並着免補本班莆田場鹽大使金承華署興化  
經歷候補縣丞秦師韓俱着交部議叙原任直隸武邑縣

府

縣陳池養着送部引見其捐數最多之紳士鄭必達呂廷  
翁夢雲劉文光俱着交部從優議叙紳民林瑞麟等均着

鑑

交榜

部分別議叙監生鄭道立捐數最多尤為奮勉着賞給副貢生餘着照所議辦理該部知道欽此欽遵抄出到部旋據該督等將捐輸應叙官員紳士造冊咨送前來除以同知直隸州儘先補用並送部引

見各員及

賞給

副榜貢生之處

臣

部欽遵

諭旨

另行分別辦理外應將冊開捐錢四千千文並勸捐出力之興化府知府徐鑑給予加三級紀錄二次首先倡捐錢一千千文之興泉永道倪琇給予加一級紀錄二次首先倡捐銀八百兩之閩浙總督孫爾準給予加一級紀錄一

次捐錢一千千文之捐職州同林瑞麟給予加一級首先倡捐銀四百兩之巡撫韓克均捐錢四百千文並董事出力之福興場鹽大使金承華等均給予紀錄三次首先倡捐銀三百兩之布政使今陞都察院右副都御史駐藏大臣惠顯前按察使今降調以道員用之張青選捐錢五百千文之捐職州同翁文輝捐職布政司經歷翁邦達等均給予紀錄二次捐錢四百千之署仙游縣知縣唐黃裳舉人鄭際禧捐職州同林檀江西臨川縣知縣陳雲章捐錢二百千鹽法道今患病之朱桓督糧道今丁憂之王惟誠仙游縣知縣劉功傑下里場大使延年等均給予紀錄一

次至僅係董事出力奉

旨交

部議叙之署興化府經歷試用縣丞秦師韓應給予紀錄  
二次捐錢三千千文之捐貢生鄭必達給予按經歷職銜  
捐錢二千千文以上之生員呂廷鑑監生翁夢雲並捐錢  
二千千文之童生劉文光各給予州判職銜捐錢六百千  
之生員陳光家童生林向瀛捐錢五百千以上之貢生張  
金鰲鄭遐年捐職從九品林聖珠生員陳文初捐錢四百  
千以上並捐錢四百千之監生陳昌期宋兆慶廩生宋登  
瀛捐貢生鄭正芳民人吳子榜等均給予八品頂戴查貢  
生張金鰲鄭遐年二員該督造送冊內並未聲明恩拔歲  
副貢生出身是以臣部照捐貢生之例按其捐數給予八  
品頂戴如該員等係恩拔歲副貢生應照從八品人員議  
叙給予紀錄二次俟奉

旨後

臣部移咨該督等查明聲覆到日再行註冊其捐錢一百  
千之福州府知府現任廣西按察使何煊前江場大使試  
用鹽大使張澍等所捐錢文均不及議叙紀錄之數應毋  
庸議兵部查捐錢一千千文之武生郭長青同捐錢一千  
九百五十千文之武生翁樹芳翁鳳英捐錢九百二十千  
之武生林承露均給予八品頂戴等因具

題

於道光八年十月十八日奉

旨孫

錄

爾準着加一級紀錄一次韓克均着紀錄三次惠顯着紀  
二次餘依議欽此

請創陂首功錢女列入祀典奏摺

奏

為脩復木蘭陂工竣請將創陂首功錢氏室女列入

祀

典以崇報功事竊福建莆田縣治瀕海而又合三州縣三

百六十澗之水鹹淡交流不為利而為害故自宋嘉祐以  
前禾苗不長惟蒲生焉邑志謂莆田名縣之所繇來也至  
宋治平元年有長樂錢氏室女傾資築陂已成而為潮所  
壞錢氏痛憤赴水捐軀鄉人立廟祀之橫山之麓其後候  
官人李宏踵而脩之陂始告成以溉南北兩洋田畝邑人

立廟奉祀淳祐年間李宏錢氏皆賜協應廟額景定三年  
封李宏為惠濟侯錢女為惠烈協順夫人迨明宏治十年  
從御史周進隆之請以李宏入於祀典而錢女未與竊惟  
創始者難為功而因事者易為力李宏因錢女之舊蹟有  
基勿壞克底於成則錢女首事之功良不可沒臣孫道  
光六年由臺灣回省紆道過其陂前士民數千人攔輿訢  
稱本年十月十六日築岸下鍵回流蕩激屢築不立董事  
人等禱於錢女廟中其夜工匠皆見紅燈出廟明日視其  
紅燈旋繞之處水落沙露下鍵即成臣以語涉不經雖即  
駁斥而遺澤至今民不能忘即此可以概見茲全功告竣

該邑舉人蘇洽淑等復具呈懇求照李宏之例將錢女並列

祀  
臣等伏查錢女首開大利貽諸無窮莆人至今尸祝比之畏壘庚桑洵有合於禦災捍患則祀之功德及民則祀之之義相應仰懇

聖恩  
俯允將長樂縣錢女仿照李宏之例一並列在

祀  
典每年於東作方興之際飭令地方官致祭一次以慰輿情而昭祈報臣等謹合詞具

奏  
伏祈

皇上  
聖鑒訓示謹

奏  
道光八年八月初四日奉

上諭  
孫爾準等奏脩復木蘭陂工竣請將創陂首功錢氏室女入祀典一摺福建莆田縣治於宋治平元年有長樂錢氏女傾資築陂該處土人立廟崇祀據孫爾準等奏稱現在著靈異著照所請即將長樂縣錢氏室女列入祀典每年尚於東作方興之時飭令地方官致祭一次以慰輿情而昭祈報欽此

莆田水利志

公牘

木蘭陂脩陂南洋濬溝各文檄

興化府知府徐鑑署興糧通判李嗣鄴莆田縣知縣王廷葵稟府屬莆田縣城東南數十里平洋田畝全賴木蘭陂溪流灌溉按縣誌載是溪發源永春州經德化仙游二縣滙三百六十澗之水由瀨溪入莆直趨於海宋熙寧八年有候官人李長者宏奉詔擇地於木蘭山下壘石立陂三十二間置閘以時啓閉陂深二丈五尺澗三十五丈上障溪水下截海濤於陂右順流疏渠導水溉南洋上中下三段民田萬有餘頃計大溝七小溝一百有九上段溝深一丈濶一丈三尺中段溝深一丈三尺濶二丈四尺下段溝深一丈五尺濶二丈七尺元總管郭朶兒張仲儀又於陂左近上斜開萬金陡門分溉北洋定為南七北三分食其利宋元明及

國朝初年均有脩理皆因陂隄石工傾圮旋即脩整復舊惟乾隆十七年李長者之裔孫泌獨力脩陂因並疏濬萬金陡門以下北洋溝道二百餘丈而南洋陂水順流溝道深廣向無淤塞之患自嘉慶二年七月莆邑大水山裂泥沙隨水而下陂之上流靠南一帶淤積里許南渠之廻澗橋



口亦被壅塞不能通暢以致溪流改常水勢疾趨北岸始  
滌洄而入廻瀾橋口此南渠之水所以常患不足也而渠  
水經荷色瀨總溝又因壺公山裂壞每遇大水沙石冲注  
溝中現今咽塞小舟難行至渠頭橋以下上段中段大小  
各溝亦均湮塞深僅三四尺一二尺不等且有全行沙壅  
者下段小溝亦有湮塞處所以故雨澤稍愆農民車灌爭  
水不一而足嘉慶二十二及二十四五等年偶因亢旱即  
致歉收若再數年恐沙愈積溝愈淺更有甚於今日者是  
脩陂固屬緊要而疏濬溝道尤刻不容緩之舉 甲府等伏  
思木蘭水利關係農田亟須設法脩復趨此冬令水淺之  
時先行查看情形方可籌議脩理茲 甲府等連日往看始  
由水道繼復登陸周歷巡閱詢悉情形謹將查勘應辦各  
工為 大人詳陳之

一木蘭陂原設三十二門嗣改為二十九門置閘啓閉障  
水南注今南渠之口為膠沙壅遏水勢不能通暢入渠應  
將積沙開挖里許仍遵古設立閘夫專管大水開閘放沙  
並隨時用小船往來梭盪不使膠滯庶開放時沙隨水下  
漸可疏通復舊順流入渠則南洋不患少水矣

一木蘭陂北岸因南岸沙壅以致水勢疾趨北岸每遇大  
水北岸頗形吃重現在頂溜處所已有傾塌墊陷應拆脩

保固又南岸亦有墊陷處所應脩

一荷色瀨現在沙石壅塞應開仍須從壺公山澗道設立  
三堰庶水過而沙石不下不至旋開旋塞阻碍難通

一荷色瀨而下則為渠頭橋渠頭橋而下則為三溝嘴現  
均湮塞其南流一支溝分往下坂東溝橫塘沈塘溝尾等  
村十五里上段一帶大小各溝均經湮塞深不過三四尺  
有一二尺者有全行沙壅者愈積愈甚應照古丈尺開挖  
一三溝嘴北一支溝分往金城菴新度土坂厝柄南北溝  
樟橋等村十餘里中段一帶大小各溝均經湮塞深不過  
三四尺有僅一二尺者愈積愈甚應照古丈尺開挖

一荷色瀨以上另有沙溝一道灌溉壺塘溪東等村由岳  
公橋出口經過白埕港裡二鄉現亦湮塞應開

一北一支溝過黃石村而下再分一支溝經沙隄塘滕登  
鰲頭等村至企石溝尾現在湮塞應開

一壺公山裂壞成澗以致壅沙入溝應將各裂壞口狹處  
隨時築壩漸築漸高庶水過沙留山體漸固不致又有冲  
坍壅遏

一木蘭陂由萬金陡門分流灌溉北洋田畝至府城外與  
使華陂水匯流其北洋環城之豐美崔亭白馬廟頭亭三  
亭四亭等村溝道亦淤淺應開

以上各條經 卑府 等逐一查勘均係應辦要工其應如何  
籌款如何任人工段如何分派石料如何採辦容俟量明  
丈尺樽節確估另行具稟理合先將查勘情形繪圖註說  
肅稟 憲鑒察核訓示 卑府 等謹稟

興化府知府徐鑑署興糧通判李嗣鄴莆田縣知縣王廷  
葵稟木蘭陂水灌溉府屬莆邑東南數十里一帶平洋田  
畝因日久未脩以致陂口沙壅溝渠湮塞業將會勘應脩  
情形繪圖貼說稟請

憲臺鈞鑒 卑府 等隨飭承將應脩應濬各工逐一勘估悉  
心酌議查木蘭陂南北隄岸既有傾塌處所此則不可不  
急謀脩復以期保固南渠陂口壅沙阻水以致南洋患水  
不足應先行掘深五尺俾陂水得以順入南渠此則不可  
不急謀疏導以期暢流陂口壅沙既難盡開恐仍積阻為  
患應買田十畝設立閘夫二名令其承種收利專管大水  
開閘放沙併設小船二隻即令閘夫撐船挖掘棄海不使  
膠粘易於開放此則不可不急謀設立以期善後又荷包  
瀨沙石壅遏哽塞水道應先行開深六尺荷包瀨而下則  
為渠頭橋三溝嘴應以次遞開三溝嘴而下分大溝兩道  
其一道南漑東溝橫塘等村已全行湮塞其一道北漑新  
度厝柄樟橋以下三十餘里各村田畝大溝經流之處現

已湮塞十餘里應將兩道大溝先行開深此則不可不急謀疏濬以期通暢大溝疏通後支溝壅塞處所可以漸謀開濬令其一律深通以便儲蓄又壺公山寶勝溪應度地設立三堰俾水去沙留不至又有壅阻各山坍塌有碍溝流者均宜設法於口狹處堵築庶滯者漸通通者不致復滯再查洋城陡門宜遵古制不得設立石限以致溝渠積沙又東山陡門任意啓放漁利東角遮浪多設涵洞漏水均應設法嚴禁毋令溝流旁洩以上皆當以次謀及此工程先後緩急之大概也核計各工如木蘭陂岸之應脩石工壺公山澗之應築石堰山麓坍塌之應行堵築開闢放沙之應置田設夫開溝積沙之應僱船傾棄以上五件應行捐資公辦至南陂口及荷包瀨二處挖沙則似應按鄉輪日出夫開掘週而復始如某日應派某鄉先期示知臨時齊集開掘不許偷惰其渠頭橋以下各大溝則應分按得水村庄每鄉統計若干田畝按田派工按工派段分段插標各開至古丈尺而止每年十月半堵塞南陂口將溝水盡數放海始可開掘所掘之沙暫壅溝頭之田十二月半即放陂水入溝將所積溝頭之沙僱船由陡門傾棄入海未完之工次冬再行接開如大溝既開之後其支溝則直接車灌得水之田按田派工責令開掘深通毋使壅塞

甲府等再四圖維衆力難齊派工原非善策惟功費浩繁若全係僱工又恐費無所出似不得不兼用民力其每畝所派之工主佃各半分作三年以漸承脩民力亦不患不支其應捐資脩理之處為數仍復不少應由甲府等先行捐廉倡脩則南洋各戶當無不踴躍之理又各溪港船每年亦可酌量出資津貼此又捐資派工之大概也至於用人須擇一二端正紳士為之董率以專責成現有原任直隸武邑知縣陳池養端方曉練道光三年脩理太平南安二陂著有成效可以委任其餘就各鄉中擇其公明幹練素為鄉人所信服者小鄉一二人大鄉或三四人或五六人分鄉經理集資出夫以收指臂之效但不許藉端牟利亦不許鄉人有心阻撓此又任人之大概也甲府等現在延集南洋各紳士富戶耆民僉議開明各鄉得水田畝按畝勻派并設法勸捐務期事必有成合將籌議緣由並勘估丈尺造冊稟請察核示遵甲府等謹稟

總督部堂孫 為剴切曉諭脩復水利以衛農田事照得興化府莆田縣所轄本斥鹵沮洳不毛之土自宋熙寧間候官李長者宏創為木蘭陂截海築石遏永春仙游三百六十澗泉流匯注灌溉南洋田萬有餘頃迨元代又開萬金陵門一道分溉北洋田畝定為南七北三分食其利於

是沮洳斥鹵盡變膏腴毋虞旱潦所徵田賦甲於通省歷前明至國朝初年旋廢旋脩工程大小不等嘉慶二年秋大水山裂沙壅陂隄傾圯大小溝渠亦皆湮塞一遇雨澤愆期旱乾為患而農民紛紛車水灌田爭端百出是脩陂濬溝無有如今日之亟者莆之人皆知其亟而遲之數十年無能一朝集事者何也蓋因富民多吝狃於苟安則捐資難鄉民多愚習於便已則派工難非捐資則陂不可脩非派工則溝不可濬脩陂所以治其源濬溝所以暢其流脩復之方二者不可偏廢是所當與莆之人講明切究者也本部堂蒞閩日久深知莆邑民情因循觀望非為之大聲疾呼則不可與集費而經始非為之通力合作則不可與鳩工而落成屢與守令等籌議脩復茲據興化府徐守興糧廳李丞莆田縣王令會稟籌勘緣由呈送圖說估冊前來經本部堂批示遵行訪有陳紳池養好義任事前脩南安太平兩處工程著有成效為衆所信服於是敦請主持其事董率興脩并捐廉銀以為之倡司道府廳縣咸各捐廉而工費浩繁不能不用民力誠恐該縣士民畏難苟安不知久遠之計合亟出示曉諭為此示仰莆邑紳士殷戶軍民人等知悉爾等生長茲土當知水利為民命所關前人手創其功後人坐享其利廢而不脩民命曷託現

需築陂運沙之費固鉅而積少成多衆擎易舉出有限之  
資興無窮之利苟有知識諒所樂從爾等縱不為農田計  
豈不為衣食計乎縱不為目前計豈不為子孫計乎至於  
宜濬之溝大者七小者一百有九責成該紳董僉舉公明  
幹練之人協同辦理如府廳縣所議按得水村庄計畝派  
工主佃各半按段開濬如是則費不繁而工易舉凡一切  
捐資派工章程惟在地方官與該紳董開誠勸導期於衆  
心悅服妥善可行不假胥役之手毋滋抑勒之弊本部堂  
為爾民興數百年之大利是在富民不惜財則陂可立脩  
鄉民不惜力則溝可立濬工惟經久事在必成永無旱潦  
之虞長享豐登之福此則本部堂所日夜冀望者也果有  
急公好義踴躍捐輸本部堂定當隨其捐資之原薄分別  
請議叙職銜併建坊給匾以示鼓勵如有殷戶鄉民人等  
從中把持撓阻貽誤要工許該紳董等指名具稟地方官  
隨時嚴究各宜凜遵毋違特示

奏

巡撫部院韓 為曉諭共襄善舉脩復水利以濟農田事  
照得莆田縣所轄東南一帶平洋田畝全藉木蘭陂水灌  
溉近因年久失脩以致陂隄塌卸溝渠湮塞一遇雨澤愆  
期旱乾為患農民車水灌田爭端百出是脩陂濬溝為當  
務之急不容稍緩前據興化府徐守興糧通判李丞莆田

縣王令會勘情形籌議具稟敦請前任直隸武邑縣陳令  
主持其事董率興脩因工費浩繁不得不兼用民力先經  
督部堂孫 倡捐廉俸剴切曉諭在案續據該道府廳  
縣先後會稟擇於四月二十二日開工至開挖泥沙已令  
各村士民按照得水田畝逐細開列俟冬初派工疏濬並  
稱有童生鄭道立捐銀六千元同南洋富戶捐番一二千  
元及數百元不等是好義急公者既不乏人則觀感興起  
者自必不少茲該府廳縣先行墊發捐項採運石料購買  
器具一俟冬田收割即當截陂放水於海以便脩挖查脩  
陂所以蓄其源濬溝所以暢其流二者不可偏廢所慮富  
民心存觀望不思久遠之圖鄉民溺於便安罔顧身家之  
計則工程開創歲事為難須知地方官所以諄諄勸諭者  
原為爾民根本計也爾等生長是邦坐享其利分應同心  
協力共襄厥成第恐刁抗之輩從中把持坐令功敗垂成  
深為可惜茲本部院捐廉銀四百兩以冀集腋成裘除發  
藩司轉發應用外合行剴切曉諭為此示仰莆邑紳士軍  
民人等知悉現當截陂放水挑濬大小溝渠乘此冬晴農  
隙之時該處紳民務照該府廳縣所議按得水村庄計畝  
派工主佃各半即日按段開濬務趕春前一律疏通則自  
來歲起爾莆民益裕衣食之源永無旱潦之患本部院有



厚望焉惟現在需費尚繁尤賴爾殷戶衆擎易舉俾得迅速報竣果再有急公好義踴躍捐輸之人本部院定當會同督部堂按其捐資多寡分別一併

奏請議叙併給匾建坊大加鼓勵至挖掘各溝兼用民力鄉民人等倘有從中把持刁抗滋事者許該紳董等指名具稟地方官就近拿究各宜凜遵毋違特示

興化府知府徐鑑署興糧通判袁鴻莆田縣知縣王廷葵稟莆田縣東南一帶數十里平洋田畝向資木蘭陂水入溝灌溉因陂隄損壞應脩溝渠湮塞應濬遵諭勘估稟蒙大人倡捐出示併於今年四月二十二日報明開工在

案夏秋農田用水未能動脩茲於九月初十日起連工將陂頭北岸原勘傾塌二段並續查墊陷二段均行脩固並將各陂石碓補缺粘灰外於十月十六日堵截南陂放水於海將南岸原估傾塌三段并續查墊陷一段將近脩固現又續查墊陷二段應脩大約趕於十二月望前可以完竣此回墊壞處所均係徹底拆脩以堅緻牢實為主其陂口湧沙二段上一段已派調溝口壺塘等十八鄉田畝之在荷包瀨以上者每田一畝出夫一名並工挖沙用船載近北岸陂門傾棄現已挖去十分之六其下一段積沙較少現將靠南陡門脩好擬開陡門用牛犁沙藉水放海可

省挖運之費至荷色瀨必須設立三堰業經採備石料其掘開沙石之工預調清江以下十八鄉每田一畝出夫二名以便示期開掘其沙石擬派溪船運載橫山入海此處離荷色瀨僅三里而遙每船各載五次週而復始俟陂口完竣即行動工至溝渠應濬處所必須趕此冬晴并日挑掘查原勘三溝口以下南一支溝如下華下坂西利等六鄉淤塞稍輕已飭開掘其東溝橫塘新塘塘東新尾下溝凌厝小橫塘嶺頂塘頭等鄉大小溝湮塞幾成平地開溝用力最多橫塘新塘最甚當經勸諭該鄉等按田出夫開掘深廣現已各開三四百丈及一二百丈不等并查飭凌厝以內東宋等九鄉將溪圳開深築壩蓄水可資灌溉且截沙不至湧入溝中其山澗裂壞處所大者擬用捐項小者即飭近山之鄉自行堵築以省繁費又原勘北一支大溝淤塞現即飭令錦墩楊美仙路厝柄樟橋洋城等鄉按田開掘此處溝大沙多工程頗重擬為設法津貼現已并工開挖其支溝亦令各該鄉等按田連工開掘又原勘塘下塘塍登鰲頭等處溝渠湮塞諭令按田開濬又續查沙坂大小溝應開金墩埕尾亭下三處溝應開后洙井埔溝邊三鄉大小溝全塞應開五龍之橋邊溝應開徐厝溪頭西山三鄉溝應開均經分別飭諭按田開掘又續查後洋

程洋陳山斗南鄒曾徐等十餘鄉離木蘭陂水源甚遠現已勸諭按田開掘又續查維新里沙溝二道應開勸諭壺塘橫溝等十鄉按田開掘此外尚有應開處所容俟逐細趕緊查辦現在民情觀感踴躍可望成功惟良頑不一現在委員分段董率卑府督同卑職鴻廷葵等往來梭織勸誠以冀一律深通所開沙礫暫壅溝頭之田議俟開陂放水後趕緊集船次第傾棄入海其沙土可用者則勻入田中以免運費再查洋城林墩二陡門均塌壞漏水應於明冬籌款拆脩其東角遮浪石隄應於後年一併脩築合將現辦情形及籌議工程詳細稟慰 憲懷卑府等謹稟

興化府知府徐鑑署興糧通判素鴻莆田縣知縣王廷葵稟荷包瀨於本月十三日開工後日集人夫一千餘名督脩開挖面上碎石二尺餘厚幸無膠泥凝結以下皆係積沙開挖尚不十分艱難照原估工費稍可節省查距荷包瀨四里許橫山一帶逼近海汊田地已有海潮冲噬之處沿岸必需幫護今即以挖起碎石僱船陸續運至該處幫護隄身橫山田地既可受益而運石工費更可節省刻下南洋大小一百十餘溝業已一律開通荷包瀨工程月底即可歲事至壺公山寶勝溪石堰必須趕緊築立以防山水春發仍有沙石冲塞之慮現在打樁疊石召匠妥速辦

理再各處大小溝內挖出沙礫堆積田中若不早為運棄  
入海勢必有碍春耕尤須多集船隻同時並舉方免貽誤  
卑府等出示招集溪溝船八百隻每日每船給賃錢五十  
文每船水手兩名每名給工飯錢一百文酌量泥沙之多  
寡分派船隻編號挨運定於新正初十邊舉行查築堰以  
防沙石運沙以便春耕皆目前最要之工二月望前務期  
竣事以上各項費用既多加之東角遮浪海隄購備石料  
所需尤鉅若非北洋殷戶一體捐輸難期足用卑府等與  
董事陳池養同心協力廣為勸諭總期經費不至缺少大  
工又可經久趕於明年秋冬報竣以仰副 憲懷慎重要

工之至意肅此具稟 卑府 等謹稟

興化府知府徐鑑署興糧通判素鴻莆田縣知縣王廷葵  
稟府屬莆田縣負山濱海中間平洋數十里古皆斥鹵之  
區唐始墾海為田雖築六塘蓄水旱無餘潤耕莫償種縣  
西南十里有瀨溪一道發源永春德化仙游滙三百六十  
澗之水疾趨於海海潮亦湧至仙游縣界鹹淡不分難以  
灌溉宋治平元年長樂錢氏室女四娘傾資來莆於將軍  
巖前築陂已成旋被海潮冲壞錢氏女憤激即於陂前投  
水捐軀嗣有長樂進士林從世又築陂於溫泉口亦壞神  
宗八年候官人李宏應詔定址於木蘭山下疊石成陂犬

牙鈎鎖布石柱三十二間下截海潮上障諸溪因名為木  
蘭陂陂右疏渠水分二流由廻瀾橋而入者灌溉南洋三  
十餘里田畝環繞壺公三台城山五馬天馬五侯諸山為  
大溝七小溝一百有九沿海築隄於洋城林墩陳山三處  
設立陡門潦啓早閉東角遮浪二鄉緊逼大海築石隄一  
千一百丈以擋潮勢而護田疇元總管郭朶兒張仲儀又  
於陂左隄之西頭開萬金陡門與南岸廻瀾橋斜對分溉  
北洋田畝使永春德化仙游滙三百六十澗之水南七北  
三分食其利歷宋元明及

國朝初年陂隄俱有脩理溝渠向無開濬閱時既久陂頭南  
北岸多有傾塌墊陷處所嘉慶二年莆邑大水諸山裂壞  
溪流改常陂之上流一帶膠沙淤積里許右渠之口被塞  
水勢直趨北岸始滌洄南注以致南洋之水日漸不足而  
南渠經荷色瀨總溝又因壺公山內澗水沙石冲注入溝  
咽塞難通渠頭橋以下十餘里大小各溝俱皆沙壅不能  
通流依山一帶更因各山裂壞沙泥隨水而下大小溝渠  
淤積幾成平地下游各鄉小溝亦皆淤淺加以陡門塌壞  
涵洞漏水東角遮浪石隄久經損壞難擋海潮日形危迫  
乾隆五十九年潮入害稼嘉慶二十二及二十四五等年  
道光二年屢因亢旱車灌爭水者不一而足失今不治淤

塞毀壞日甚一日農民無以為生賦稅將何所出幸逢

宮保大人

大人 心切重農勤求水利去秋詢悉情形諭令及時

脩復當即勘估稟蒙倡捐出示在案四月二十二日報明  
開工後即採辦石料預備器具因夏秋農田用水未能興  
作於九月初十日起將陂上北岸石隄塌壞處所拆脩完  
固十月十六日始截陂放水於海南岸石隄塌壞墊陷處  
所統行拆脩添料灌漿以期歷久完固并調夫挖掘陂口  
積沙用船傾棄於海仍將古脫沙陡門脩好設立閘夫以  
備大水開板放沙不使再壅其荷包瀨總溝沙泥膠結中  
凝碎石開掘最為費工現擬於十二月十三日集夫開掘

并採辦石料於壺公山澗內擇地設立三堰不使沙石隨  
山水下冲為梗其大小各溝業經 卑府 等督同董事在籍  
之原任直隸武邑縣知縣陳池養往來設法勸諭各鄉按  
田開溝以淤之深淺為工之難易掘深一丈一二尺及七  
八尺五六尺三四尺不等廣如原溝責成各鄉自為湊集  
經理每日各處共集夫七八千人統計約需費四萬數千  
餘兩工大者仍量加津貼民情觀感踴躍兼得董事陳池  
養仰體恩意誼切維桑不辭勞瘁不避嫌怨趕緊督辦並  
派委莆田場大使金承華經歷臧暉司獄沈以承凌洋巡  
檢張煥莆田典史楊錦文等分段查催彈壓年底可期竣

事 甲府等仍恐積沙為患再飭壺公山及各山內諸鄉各脩溪圳之沙築壩蓄水勸諭近山之鄉各自堵截山澗不使沙泥流入溝中其裂壞過甚者仍籌款歸公堵築陡門石隄亦宜趕緊連工拆脩以上各項約需費二萬數千餘兩又海岸尚有應填石磯加以東角遮浪應造石隄一千一百丈高一丈一尺底濶五尺面濶三尺附土隄一千一百丈高一丈三尺底濶二丈面濶一丈舊存石料僅及十分之二土隄全壞估費二萬餘兩合算木蘭陂南北岸並拆脩陡門東角遮浪石隄以及壺公山設立石堰挖掘荷包瀨大小溝渠共應需費十萬有零除歸鄉按田集夫費

銀四萬數千餘兩不計外實需銀六萬有零查現在勸捐之項僅能及半脩築南北岸陂頭已用去四千餘兩不敷尚多必須闔邑殷戶不分畛域廣為勸捐方可藏事合無仰懇 宮保大人 將現在興脩木蘭陂工程一切情形俯賜先行入

奏  
俟將來工竣日擇其捐數最多者量加獎勵庶人心鼓舞興利必成皆出 憲恩所賜并懇給示曉諭北洋等處紳衿耆庶一律量力捐輸以襄大工更為德便肅此具稟 甲府等謹稟

太子少保總督閩浙部院孫  
福建巡撫部院韓

為曉諭勸脩要工以衛地方事照得

莆田縣之壺公山為興化全郡鎮山分支東行蜿蜒磅礪數十里而入海其間樹木歷經兵燹砍伐殆盡居民無可樵採挖掘草根以致土壤朽裂水流滙注決為澗道七八丈至十餘丈不等泥沙壅遏田園入溝填成平地山上墳墓亦有頽毀上年開溝之時將澗道泥沙入溝者先行堵截保護溝渠不使再壅雖壺公三台城山裂壞尤甚之處附近各鄉用功堵截已有成效而旁近未經脩築之處尚多現在木蘭陂大工既興凡有裂壞處所無論入溝與不入溝之處均應一例砌築堅固庶可一勞永逸合亟出示曉諭為此示仰紳耆董事人等知悉務須向壺公山一帶

周歷確查裂壞處所實有幾處某處裂壞若干丈尺應如何砌築之處相度形勢分鄉按田妥速砌築務使水過沙留山體漸固溝渠無壅塞之虞田園免衝壓之患水源得以停蓄墳墓亦可保全利益甚大本部院堂為地方籌畫農田水利保衛地方至關切要慎勿稍存膜視切切特示

太子少保總督閩浙部堂孫  
福建巡撫部院韓

為特再曉諭勸助共襄盛舉速歲要

工事照得莆田縣之木蘭陂工程為利甚溥前因年久失脩陂隄塌卸溝渠湮塞昔年之為利者轉致為患本部院堂軫念民依亟籌脩復當經率同司道並府廳縣捐廉倡始飭縣敦請公正紳士以董其役惟工鉅費繁不能不兼用



民力當經給示勸捐隨有童生鄭道立等先後題捐極為踴躍當經本部院堂據情會

奏欽奉

諭旨所辦甚屬有益殊堪嘉獎統俟各工全行歲事即覈其捐數最多尤為出力者分別奏明再降

諭旨等因欽此當經恭錄轉行欽遵在案是該紳民等好義急公以成善舉既可惠溥維桑又得榮膺

懋獎善其始者必樂觀厥成本部堂

陛見南旋正在拭目以俟本部院亦屢經諮詢謂可即日歲工乃聞莆邑紳士忽爾互相觀望不特續捐之戶甚屬寥寥即已捐各戶其銀亦多未交查陂工現當喫緊之際所有壺公山裂壞各處急應接續脩築而東角遮浪二鄉亦須預購石料等件以便一併趕脩何以該士民等歡欣踴躍於前今乃遲疑觀望於後或見此時水勢業已通暢遂謂工程已可告竣毋煩再事經營殊不知九仞之功虧於一簣必致前工盡棄不但該紳民等有初鮮終深為可惜且無以仰副

聖天子高厚恩施渥邀

獎勵實為該紳民等不取也合再剴切曉諭為此示仰莆邑紳士殷戶軍民人等知悉當知籌辦農田水利皆為爾等生

民久遠之計務即互相勸勉比戶樂輸已捐銀兩迅速交  
收以應工用期於大工速成此中捐數較多者本部院堂定  
當遵

旨奏

請從優獎勵如有頑梗之徒從中把持阻撓致悞要工許  
紳董等指名呈官嚴拏究懲各宜凜遵毋違特示